

國家圖書館藏歷史檔案文獻叢刊

清季華工檔案

第 6 冊

全國圖書館文獻縮微複製中心

國家圖書館藏歷史檔案文獻叢刊

清季華工檔案

第 6 冊

全國圖書館文獻縮微複製中心

英人招工案

商務續言

英法三案新金山六省華商公會函件 光緒三十四年

再肅者商等前撰商務畧言一書係
因新約之行有碍商務故不揣冒昧

剖瀝上陳

鈞鑒惟前書所敘仍多缺畧今就管見
所及檢而錄之俾有心時事者知中
美新約有斷斷不可行者則工商幸
甚天下幸甚陳留言五款並附美國前
次設立專禁華人虐例十五則開具
于左

一 本年二月初一日出使美國大臣

張蔭桓與美國外務大臣簽押中

美續約內第五款云中國屬民前在

美國荒僻之境被惡黨不法之徒

戕害身命損失財物事出意外在

美廷例不應賠在中國亦不願有

此等案索此賠款今美廷惋惜其

事顧念兩國多年友誼兩國均願

篤固邦交薄紓該華人慘虐雖美

廷按例不應賠償姑勿深論茲美

廷應允准於一千八百八十九年

三月一號以前將銀二十七萬六千六百一十九員七角五仙在華

咸頓都城繳送

大清欽差大臣代政府核收作清償以上所敘損失各款等語

按上年洛士丙冷之擾美人無法無理華工至慘至冤迨經

粵督張香帥電責賠償美廷自知理曲委然聽命于以見人心難昧

公法難逃矣乃今新約所載不日
償其損失而曰紓其慘虐且云美
廷例不應賠中國亦願有此案索
此賠款夫兩國交好在中國誠不
願有此等案索此賠款但無辜被
虐彼身受者顧可置而不問乎至
謂美廷例不應賠顧何以從前外
國在中損失者諄諄向中國追償
抑又何也查咸豐末年英國領事

麥嘉利游經滇南與緬甸交界地
方被人戕害身命損失財物此非
在荒僻之地為惡黨所害事出意
外者乎若援美廷之例英可不必
問矣胡乃既索鉅款又請五港與
之通商英無壓之求中國亦未
嘗稍拂其意也又六年前粵省沙
基輪船步頭因西人擊斃華人吳
常鼓噪匪徒乘勢縱火焚燬洋房

數座事定後各國曾環向中國索
償十餘萬銀元凡此非皆可明徵
乎信如斯約所言則今華人在美
損失不能向美追償將美人在中
損失亦不能向中追償乎且今美
人所償華人之款既曰周恤之不
在例將華人更受美人之虐若欲
追償從何援例乎若此款照行事
事吞聲忍氣在我自以為省事而

其實取侮生事即從此起此中美
新約之不可准行畫押者一也

一統計美國地廣人稀除沿海諸省
開墾外而內地空曠者尚既遠且
多昨據美國儒士新撰一書所載
美國近百年內興辦事宜凡有益
于國計民生者無不採錄名曰美
國百年說畧內云歐洲人近到美
國者每年計共有四十萬之多

并云美于三十年內所來人數如
常猶能招撫而安集之幅員之廣
蔑以抑矣又本年西歷五月美國
紐約日報云歐洲人來美者今歲
較多計自正月元日至四月朔日止
甫三閱月歐洲人到由紐約登岸
者已有十七萬九千餘名戶口之
繁日盛一日惟商等近日在美探
悉本歲二月駐美張欽使為禁止

華人畫押事其奏摺中有云美國
近亦禁歐洲工人往美非專禁華
工等語因查近時英美各日報并
無是事而質之英美各國商紳亦
不聞有是言如禁歐工往美事係
確聞不妨移咨張欽使往美國外
務衙門照禁英德法澳意各國歐
工所立條約抄呈一紙郵至總理
衙門核議覆

奏施行實為至公否則事屬子虛
必係專禁華工非禁歐工也若與
畫押不特商務有碍而

國體攸關此中美新約之不可准
行畫押者二也

一美國原是英屬十三省地方惟自
行立國後僅閱一百一十二年今
則擴至三十七省同意開國之初
各省官紳在費厘呢露費亞埠聚

議設立美國律例數十款永遠頒
行各省者內有一要款云自今各
國人到美准其在境內貿易作工
若各國人肯落美籍者准于未開
墾之地擇一百六十英畝俾之耕
作故總計歐洲人之履美地落美
籍者共有千餘萬之多而華人來
美者前後僅十二三萬較之他國
本屬寥寥至華人入美籍者尤為

罕觀按落美籍者無論何人例准
國人推舉作官紳並准其落票推
舉他人為官為院紳華人寄籍者
少故落票者亦無幾人則凡議事
時皆美人上下其手焉故前次美
人仇恨華工奪其工業擬下逐客
之令已於光緒六年美之官紳業
徇土人之請特派公使進京商請
中國大臣將昔蒲公使所訂中美